

# შიდა ქართლის რწმუნებულმა ხაშურის მუნიციპალიტეტში სამუშაო შეხვედრა გამართა

07 ივნისი 2021

შიდა ქართლის სახელმწიფო რწმუნებული ვალერიან მჭედლიძე ამჯერად ხაშურის მუნიციპალიტეტის მერიისა და საკრებულოს წარმომადგენლებს შეხვდა. სამუშაო შეხვედრაზე დეტალურად განიხილეს მუნიციპალიტეტისთვის პრიორიტეტული საკითხები. ასევე, შეკრებილებმა სამხარეო ადმინისტრაციისა და ადგილობრივი თვითმმართველობის კოორდინირებული მუშაობის მნიშვნელობაზეც გაამახვილეს ყურადღება, ამავედროულად, ისაუბრეს ისეთ საკითხებზეც, რომელთა განხორციელებაც ხელს შეუწყობს ხაშურის მუნიციპალიტეტის სოციალურ და ეკონომიკურ განვითარებას. რწმუნებულის თქმით, მსგავსი სახის შეხვედრა ერთჯერადი არ არის და სამომავლოდაც მოეწყობა.